



Anna Wangenheim
Demokratit sinnerlugit Inatsisartunut ilaasortaq

§ 37 naapertorlugu apeqqutip nr. 14/2023-p akineqarnera.

Asasara Anna Wangenheim

Inatsisartut suleriaasianni § 37, imm. 1 naapertorlugu Naalakkersuisunut apeqqutininik saqqummiussaqaqputit. Naalakkersuisut. Naalakkersuisut apeqqutigineqartunut qujapput, taakkulu tullinnguuttuni issuarneqarput akineqarlutillu.

02.02.2023
Suliap normua 2023 - 1611
All. nr.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. Akuersissuteqaqqaarluni nakorsaatit pissarsissutigineqarsinnaasut peqquserlullu akiginiarneqarnerannut Naalakkersuisut qanoq akiuiniassappat?

Akissutit:

Massakkut suliat nakorsaammik ritalinimik atornerluinerit tunngavigalugit Peqqinnissaqarfiup nakorsaatissanut allagartanik tunniussisarnermini nakkutigineqarnerulersimanagera Naalakkersuisunit ilisimatitsissutigineqarsinnaavoq. Tamatuma saniatigut ajornartorsiut akiorniarlugu peqqinnissaqarfimmi oqartussat polititillu aalajangersimasumik attaveqatigiittarnermik oqaloqatigiittarnermillu pilersitsisimapput.

Tamatuma saniatigut akuersissuteqaqqaarluni nakorsaatinik pissarsissutigineqarsinnaasunik tuniniaaqittarnermik akiuiniarneq pillugu apeqqutip akinissaanut paasissutissanik Justitsministerieqarfimmut pissarsiniarsimagaluarpugut. Piffissaliussalli iluani akissutissarsisinnaasimangilagut.

a. Nakorsaatit pillugit Inatsisartut peqqussutaat nr.1, 12.maj 2005-imeersoq allanngortissallugu Naalakkersuisut pilersaaruteqarpat?

Akissutit:

Peqqinnissaq pillugu inatsisip nutarternissaanik pisariaqartitsineq Naalakkersuisunit ingerlaavartumik nalilersorneqartarpoq. Maannakkut Nakorsaatit pillugit Inatsisartut peqqussutaat nr. 1, 12. maj 2005-imeersoq malillugu akuersissuteqaqqaarluni nakorsaatinik pissarsissutigineqarsinnaasunik unioqutitsilluni tuniniaaqinnerup pineqaatissiissutaasinnaaneranut aporfeqannginnera paasissutissiissutigineqarpoq, taamaamat siunissami qaninnermi inatsisip allanngortinnissaa naatsorsuutigineqanngilaq.

- b. Akuersissuteqaqqaarluni nakorsaatit pissarsiarineqarsinnaasunut atonerluisoqalernissaanik misillernerlut tunngatillugu, akiuiniarnissaq siunertaralugu Nakorsaatit pillugit ataatsimiititaliamit oqaaseqaammik, Naalackersuisut piniassallutik pilersaaruteqarnerlutik?**

Akissutit:

Nakorsaammik ritalinimik atonerluineq pillugu massakkut suliat tunngavigalugit Naalackersuisut Nakorsaatit pillugit ataatsimiititaliamit oqaaseqartitsinissamut pilersaaruteqanngillat, taamaattoorli atonerluinermik ajornartorsiutit pillugit Naalackersuisut oqartussanik attuumassuteqartunik ingerlaavartumik oqaloqatiginnittarput.

- c. Akuersissuteqarluni nakorsaatit pissarsissutigineqarsinnaasut ukiuni kingullerni nunatta avataanit anngiortumik eqqussorneqarnerisa annertuseriarsimanerat Naalackersuisut uppersarsinnaanerlunikkut?**

Akissut:

Apeqquq una akisinnaajumallugu Aningaasaqarnermut Naligiissitaanermullu Naalackersuisoqarfimmit paasissutissanik pissarsiniartoqarsimavoq, imatullu paasissutissiisoqarluni:

"Inuit, pisattat nassiussallu Kalaallit Nunaanni Akitsuuteqarfiusumut pisut Akileraartarnermut Aqutsisoqarfimmit, Ilangaaserisoqarfimmit misissorneqartarput. Inunnik nassatanillu nakkutillinerit annersaat Kangerlussuarmi pisarput. Nassiussanik nakkutillineq Nuummi salliunneqarpoq, tassungami umiarsuaq siulliulluni tikittarmat. Allakkat poortukkallu nassiussat sapinngisamik nassiussap apuuffissaani qaninnerpaami nakkutigineqartarput. Tamatuma saniatigut Ilangaaserisoqarfik pisariaqartitsineq malillugu nakkutilliisarpoq.

Taamatut nakkutilliisarneq attatiinnarneqassaaq pisariaqartitsinerluunniit malillugu iluarsivigineqarluni.

Ukiuni 2019-imiit 2022-mut Ilangaaserisoqarfiup nalunaarsukkani misissorsimavai. Tassanilu takuneqarsinnaavoq akuersissuteqaqqaarluni nakorsaatinik pissarsissutigineqarsinnaasunik unioqqutitsilluni eqqussuinerup annertusisimannginnera paasineqarluni, tassami kisitsisit piffissami allanngorpallaarsimangimmata.

Nakorsaatit unioqqutitsilluni eqqunneqartut annersaat Ilangaaserisoqarfimmit nassaarineqartut tassaapput nakorsaatit tissassaatit Viagramik ilisimaneqarnerusut, aammali nakorsaatit allat annikitsuinnaat paasineqarput, tassunga ilanngullugu Ritalin."

- 2. Inerteqqutinik ikiaroorartunik anngiortumik eqqussuinerit akiorniarlugit Naalackersuisut suut pilersaarutigat?**

Akissutit:

Apeqqut una akisinnaajumallugu Aningaasaqarnermut Naligiissitaanermullu Naalackersuisoqarfimmit paasissutissanik pissarsiniartoqarsimavoq, imatullu paasissutissiisoqarluni:

"Nioqqutissanik inunnillu nakkutilliinerup iluani suliniutit isumalluutillu akornanni naammattumik oqimaaqatigiittoqarnissaa qulakkeemiarlugu nakkutilliineq pillugu Akileraartarnermut Aqutsisoqarfiup Naalackersuisut ingerlaavartumik oqaloqatigisarpai.

Akileraartarnermut Aqutsisoqarfimmi llanngaaserisoqarfik ullumikkut qulinik sulisoqarpoq, tassungalu atatillugu katillugit arfineq marlunnik qimmeqarpoq.

Inunnik angallatinillu nakkutilliisarnerup annertusinissaa siunertarlugu Akileraartarnermut Aqutsisoqarfiup aningaasaliiffigeqqinnissaanut tunngatillugu Naalackersuisut qinnuteqarnissamut maannakkut pilersaaruteqanngillat.

a. Qinigaaffik uani nakkutilliinerup nukittorsarnissaanut pilersaaruteqartoqarnikuunerluni?

Akissutit:

Apeqqutip 2-p ilaani akissummut innersuussisoqarpoq.

b. Imaatigut inerteqqutinik ikiaroorartunik anngiortumik eqqussuinerup nakkutilliivigineqarnissaanut nakkutilliineq attatiinnarneqarnissaanut Naalackersuisut suut pilersaarutigaat?

Akissut:

Apeqqutip 1c-ip aamma 2-p akissutaanut innersuussisoqarpoq.

3. Kalaallit Nunaanni hash-imik akiginiaaneq aammalu hash-imik atuineq akiorniarlugu Naalackersuisut suut tigussaasut pilersaarutigaat?

Akissutit:

Kalaallit Nunaanni hashimik tuniniaanerup akiornissaanut tunngatillugu apeqqutip akinissaanut paasissutissanik Justitsministerieqarfimmut pissarsiniarsimagaluarpugut. Piffissaliussalli iluani akissutissarsisinnaasimangilagut.

Pinaveersaartitsineq hashimillu atornerluisunik katsorsaaneq Naalackersuisunit ataavartumik qitiutinneqarnerat ilisimatitsissutigineqarsinnaavoq. Assersuutigalugu eqqaaneqarsinnaavoq Allorfik inersimasunut ikiaroorartunik, tassunga ilanngullugu hashimik atornerluisunut nuna tamakkerlugu katsorsaaneqarnissamut siunnersuinissamullu neqerooruteqartarpoq. Allorfik aamma qanigisaasunut ikiuinissamut neqerooruteqartarpoq. Allorfiup katsorsaaviini katsorsaaneqarnissamut neqeroorutit amerlineqarnissaat Allorfimmit ingerlaavartumik sulissutigineqarpoq.

MANU Hash, hashimik atornerluinermik akiuiniarnissamut tunngatillugu angajoqqaanut toqqaannartumik suliniutaavoq. Suliniummi ilaatigut ilaapput sulianik suliaqartartunut, angajoqqaanngortussanik ilaqutariinnullu naalungjarsuutilinnut suliaqartunut,

oqaloqatiginninnermut ilitsersuutit paasissutissallu. Hashimik pujortarnerup peqqissutsikkut, eqqarsartaatsikkut inooqataanermilu sunniutit kiisalu angajoqqaat atornerluinerisa annikillissinnissaat unitsinnissaaluunniit pillugit ilisimasatigut tapertaanissaq pingaarnertut siunertaavoq. Tamatuma saniatigut angajoqqaat hashimik atornerluineranni meeqqanut kingunerluutaasut ajoqusiinerillu pillugit angajoqqaanut quppersagaaraliortoqarsimavoq videoliortoqarsimallunilu.

4. Qinigaaffik uani atornerluisuunermiit katsorsarneqarnissamut neqerooruteqartarneq nalilersorneqarnissaanut, tamatumani Allorfik, Naalakkersuisut pilersaaruteqarnerlutik?

Akissutit:

Allorfimmi atornerluisunik katsorsaannissamut neqeroorutininik nalilersuinerup aallarteeranera 2023-llu ingerlanerani naammassineqarnissaata naatsorsuutigineqarnera Naalakkersuisut ilisimatitsissutigisinnaavaat.

Tamatuma saniatigut Allorfik ukiumoortumik nalunaarusianik saqqummersitsisarpoq, tassani ilaatigut sulliat katsorsaanerlu pillugit paasissutissat takuneqarsinnaallutik. Atornerluisunik katsorsaanerup innuttaasumut sorpassuartigut iluaqutaanera, tassunga ilanngullugit tarnikkut peqqinnerup, ilaqtutanut attaveqarnerup sulinermilu pissutsinik paasinninnerup tungaatigut pitsaanerulertoqarsimanera 2021-mi ukiumoortumik nalunaarusiami sunniutaasunik misissueqqissaarnermi takutinneqarpoq.

- a. Innuttaasut atornerluisuunermiit katsorsarneqarnissaminnut pisariaqartitsisunut katsorsaariaatsit neqeroorutigineqarsinnaasut namminersorlutik inuusutissarsiuteqartut aqqutigalugit suliaqartitsinissaminnut aammalu neqeroorutininik annertusaanissaminnut Naalakkersuisut eqqarsaatersuuteqarnerlutik?**

Akissutit:

Allorfik aqqutigalugu atornerluisunik katsorsaanerit ilaatigut nunatsinni illoqarfinni tallimani annerni Allorfiup katsorsaaviini ilaatigullu namminersortuni, illoqarfinni mikinerusuni tamangajanni katsorsaanermik neqerooruteqartartuni, ingerlanneqartarput.


Taamatutaaq Allorfik sullissisunik namminersortunik qanimut suleqateqarpoq, tassani isumaqatigiissutit annertussusaat tunngavigalugit suliariumannittussarsiuussinikkut nalimmassaasoqartarpoq. 2020-mi suliariumannittussarsiuussinermit kingullermi neqeroorutit minnerit 17-it saqqummiunneqarput, taamaalilluni najukkami katsorsaasut namminersortut ataatsimik arlalinnilluunniit neqerooruteqarsinnaallutik. Maannakkut suliariumannittussarsiuussinerit 2024-mi naasussaammata kingullermisut suliariumannittussarsiuussinerup ilusaata assinganik 2023-mi suliariumannittussarsiuussisoqassaaq.

5. Pineqartumut Naalakkersuisut allanik paasissutissiisinnaanerlutik?

Akissut:

Naalackersuisut allanik paasissutissaateqanngillat.

Inussiarnersumik inuulluaqqusillunga
Med venlig hilsen

A handwritten signature in black ink, appearing to read 'Mimi Karlsen', written in a cursive style.

Mimi Karlsen